



Finansira
Evropska unija

*Pružanje podrške ranjivim ženama i
razvoj integriranog programa socijalne
zaštite*



EU4 INCLUSION- Pristup uslugama socijalne kohezije na lokalnom nivou

**Smjernice za podnosiocce prijava
za izražavanje interesa jedinica lokalnih
samouprava
za učešće u projektu
“Pružanje podrške ranjivim ženama i razvoj
integriranog programa socijalne zaštite“**

Sadržaj

1.	UVODNE INFORMACIJE	3
1.1.	O projektu	3
1.2.	Cilj poziva za podnošenje prijave.....	3
1.3.	Koje JLS se mogu prijaviti na ovaj javni poziv?	4
1.4.	Zašto bi JLS trebale biti zainteresirane za učešće u projektu?.....	4
2.	KRITERIJI ZA ODABIR PARTNERSKIH JLS	5
2.1.	ELIMINATORNI KRITERIJI.....	5
1.	JLS ima usvojen plan/strategiju razvoja zajednice gdje važno mjesto zauzimaju prioriteta lokalnog društveno-ekonomskog razvoja koji se fokusiraju na pitanja žena	5
2.	JLS se obavezuje da će sufinansirati identificirane inicijative u zajednici u iznosu od najmanje EUR 3.500,00.....	5
2.2	KRITERIJI ZA BODOVANJE	5
1.	Iskustvo JLS i/ili njezina spremnost da izdvoji sredstva za ranjive grupe unutar posebne budžetske linije.....	5
2.	Finansijska izdvajanja za ranjive grupe žena	5
3.	Saradnja JLS sa OCD.....	6
2.3.	KRITERIJI ZA USKLAĐIVANJE	7
1.	Učešće JLS u drugim projektima	7
2.	Usklađenost strateških oblasti na osnovu kojih JLS objavljuju javne pozive za OCD sa oblastima od posebnog interesa projekta.....	7
3.	Geografska rasprostranjenost partnerskih JLS	6
3.	NAČIN PRIJAVE I POSTUPAK EVALUACIJE	7
3.1.	Način prijave	7
3.2.	Postupak evaluacije	7
4.	ADRESA ZA PRIJAVU I UPITI	8
5.	OBAVIJEST O ODLUCI I ODABIRU PARTNERSKIH JLS I PLANIRANI VREMENSKI OKVIR	8
6.	LISTA PRATEĆE DOKUMENTACIJE	8
a.	Prateća dokumentacija za eliminatorne kriterije	8
b.	Prateća dokumentacija za kriterije za bodovanje:	9

1. UVODNE INFORMACIJE

1.1. O projektu

U Sektoru obrazovanja, zapošljavanja i socijalne politike ključni problemi kojima se treba pozabaviti su: visoka nezaposlenost (osobito mladih, žena, dugotrajno nezaposlenih i Roma), modernizacija obrazovnog sistema u smislu boljeg odgovora zahtjevima tržišta rada, daljnji razvoj sistema socijalne zaštite i praćenje potreba ranjivih kategorija. U području socijalne zaštite, centri za socijalni rad i druge ustanove socijalne zaštite nemaju dovoljno kapaciteta za individualni rad sa korisnicima i primjenu specijaliziranog i multidisciplinarnog rada, što je posljedica nepostojanja specifičnih profila stručnjaka, materijalnih i finansijskih sredstava i okvirnih programa i modela za rad sa ranjivim grupama stanovništva. Zadnji EU izvještaj za Bosni u Hercegovinu¹ je naglasio da: tržište rada i socijalna politika nisu uspješne u rješavanju specifičnih potreba ranjivog stanovništva, uključujući Rome. Prema mapiranju provedenom u okviru analize osoba s invaliditetom i Roma koju podržava EU, oko 82% intervjuiranih Roma izjavilo je da su ili nezaposleni (40%) ili neaktivni na tržištu rada (42%). Slabe veze između nadležnih ministarstava i nedostatak saradnje predstavljaju prepreku napretku.

Ovo snažno utiče na razvoj cjelovitog modela socijalne zaštite u lokalnim zajednicama, čime se smanjuju mogućnosti korištenja svih raspoloživih resursa lokalne zajednice za otkrivanje i rješavanje problema sa kojima se susreću pojedinci i ranjive grupe građana. Ovaj nedostatak negativno utiče na definiranje konkretnih problema i razvoj odgovarajućih programa podrške građanima, u saradnji sa centrima za socijalni rad, sa organizacijama civilnog društva, privatnim sektorom, zdravstvenim ustanovama, ustanovama obrazovanja, zapošljavanja i drugim subjektima čije je djelovanje u lokalnoj zajednici relevantno za provedbu programa socijalne zaštite.

Nedovoljna integriranost modela socijalne zaštite u lokalnim zajednicama otežava razvoj i provedbu projekata i programa zaštite i socijalnog uključivanja specifičnih ranjivih grupa korisnika u lokalnoj zajednici (mladi koji izlaze iz javne brige, osobe sa invaliditetom, Romi, starije osobe, žene iz ruralnih područja, dugotrajno nezaposleni, žrtve porodičnog nasilja, žrtve trgovine ljudima i dr.), te usporava razvoj socijalnog poduzetništva, socijalnog stanovanja, volonterstva i socijalnih usluga.

Kako bi doprinijeli poboljšanju socio-ekonomske situacije i uvjeta života u Bosni i Hercegovini, Evropska unija finansira projekat, „Pružanje podrške ranjivim ženama i razvoj integriranog programa socijalne zaštite“, a koji implementiraju Udruženje „Žene sa Une“ u partnerstvu sa Arbeiter Samariter Bund Deutschland e.V.

Specifični ciljevi projekta su:

- Ojačati ukupne kapacitete relevantnih lokalnih institucija, civilnog društva i grassroots grupa u zagovaranju važnih reformi vezanih za socijalnu zaštitu ranjivih grupa žena u 10 lokalnih zajednica u Bosni i Hercegovini (uključujući agendu BiH u vezi sa integracijom u EU).
- Uspostaviti interdisciplinarni pristup lokalnom partnerstvu za rješavanje problema socijalne uključenosti ranjivih grupa žena u bosanskohercegovačkom društvu.

1.2. Cilj poziva za podnošenje prijava

Cilj poziva je odabir minimalno 10 partnerskih jedinica lokalne samouprave (JLS) u BiH u kojima će se raditi na uspostavi lokalnog partnerstva kako bi se adresirali problemi socijalne uključenosti ranjivih grupa žena, kroz interdisciplinarni pristup, te kako bi se razvio integrirani model socijalne zaštite.

Cilj je da se razvije održiv sistema socijalnog uključivanja ranjivih grupa, a koji se kasnije može kao model širiti i u drugim lokalnim zajednicama.

¹ https://neighbourhood-enlargement.ec.europa.eu/bosnia-and-herzegovina-report-2023_en

1.3. Koje JLS se mogu prijaviti na ovaj javni poziv?

Sve JLS u Bosni i Hercegovini imaju jednake mogućnosti da se prijave i budu dio otvorenog postupka odabira.

Vodeći principi okvira za odabir partnerskih JLS koncipirani su tako da osiguraju nepristrasan, transparentan i razvojno-orijentiran odabir JLS za učešće u Projektu.

✓ Kombinacija JLS: razlike u veličini, tipu i kapacitetu

Projekat će nastojati da uključi JLS koje se međusobno razlikuju po veličini populacije i teritorije (male, srednje i velike), tipu (ruralne ili urbane), kao i po kapacitetima (nerazvijene, razvijene).

✓ Predanost partnerskih JLS

Projekat će nastojati da uključi JLS koje skupa sa ustanovama socijalne zaštite, obrazovnim institucijama, zavodima za zapošljavanje, privatnim sektorom, organizacijama civilnog društva i drugim zainteresiranim stranama pokažu snažnu volju za učešćem u Projektu, a koja je iskazana kroz preuzimanje konkretnih obaveza.

1.4. Zašto bi JLS trebale biti zainteresirane za učešće u projektu?

Učešće u projektu će omogućiti JLS:

- tehničku podršku za unaprjeđenje sistema socijalnog uključivanja ranjivih grupa žena (naročito žena žrtava porodičnog nasilja, žena s invaliditetom, žena starije životne dobi, žena i mladih pripadnica romske nacionalne manjine);
- značajnu tehničku podršku za OCD koji će ojačati civilno društvo kroz umrežavanje i edukaciju o upravljanju organizacijom i pružanju podrške vezano za ženska pitanja, a koja će omogućiti isključenim grupama žena da učestvuju u procesima donošenja odluka;
- razvoj integriranog modela socijalne zaštite sa najmanje 3 prioriteta (posebna pažnja usmjerit će se na uključivanje relevantnih institucija, usluga koje pružaju OCD, a koje se tiču direktne podrške ženama/skloništa, obrazovanje, osposobljavanje za rad, odgovarajuće zdravstvene usluge i slično);
- direktnu podršku za identificirane inicijative u zajednici;
- izgradnju kapaciteta predstavnika JLS, OCD, predstavnika sistema socijalne zaštite i drugih institucija/organizacija uključenih u projekat;
- promociju svojih dobrih praksi i procedura na nivou cijele Bosne i Hercegovine, ali i u regionu Zapadnog Balkana.

Na ovaj način će partnerske JLS unaprijediti svoj rad, te postati još efikasnije i efektivnije u pružanju usluga socijalno-isključenim grupama građana.

2. KRITERIJI ZA ODABIR PARTNERSKIH JLS

- **eliminatorski kriteriji** – ispunjenje ovih kriterija se smatra preduslovom za učešće u projektu. JLS koje se prijavljuju trebaju zadovoljiti oba eliminatorska kriterija, prijave JLS koje ne ispune ove kriterije **neće biti dalje razmatrane**,
- **kriteriji za bodovanje** – primjenom ovih kriterija će se vršiti bodovanje i rangiranje prijavljenih JLS. Dodjela bodova će se vršiti u skladu sa Matricom za bodovanje,
- **kriteriji za usklađivanje** – predstavljaju dodatne aspekte koji se ne boduju ali se uzimaju u obzir prilikom konačnog odabira partnerskih JLS, a u skladu sa zahtjevima Evropske unije i drugim projektnim intervencijama koje se provode u Bosni i Hercegovini.

Odabir partnerskih JLS će se vršiti na osnovu sljedećih kriterija:

2.1. ELIMINATORNI KRITERIJI

1. **JLS ima usvojen plan/strategiju razvoja zajednice gdje važno mjesto zauzimaju prioriteta lokalnog društveno-ekonomskog razvoja koji se fokusiraju na pitanja žena**

Uz prijavu je potrebno priložiti prateću dokumentaciju koja ukazuje da JLS ispunjava ovaj kriterij npr. smjernice, akcioni plan, strategiju razvoja, odluku o usvajanju transparentnog pristupa finansiranju projekata OCD koji se bave pitanjima ranjivih grupa žena, pravilnike ili druge postojeće pravne akte koji su na snazi, a kojima se reguliše podrška ranjivim grupama žena.

2. **JLS se obavezuje da će sufinansirati identificirane inicijative u zajednici u iznosu od najmanje EUR 3.500,00**

Okvirno je planirano da svaka od 10 odabranih jedinica lokalne samouprave realizira inicijativu lokalne zajednice u vrijednosti od 20.000,00 EUR. Od tog iznosa, vrijednost granta je maksimalno 16.500,00 EUR, dok je jedinica lokalne samouprave dužna da obezbijedi minimalno 3.500,00 EUR, a ima mogućnost da sufinansira inicijativu i u većem iznosu od obaveznog.

2.2. KRITERIJI ZA BODOVANJE

Iskustvo JLS i/ili njezina spremnost da izdvoji sredstva za ranjive grupe unutar posebne budžetske linije

Prilikom verifikacije ovog kriterija će se vršiti procjena izdvajanja budžetskih sredstava za ranjive grupe žena na nivou JLS, stoga vas molimo da precizno odgovorite na pitanja u okviru prvog kriterija za bodovanje (prijavni obrazac dio 3.). Odgovorima na set potpitanja pokazuje se primjena elementa odgovornog, transparentnog i svrsishodnog finansiranja aktivnosti i usluga za ranjive grupe žena, stoga je potrebno opisati sljedeće:

1. **Način dodjele sredstava planiranih u budžetu JLS za ranjive grupe žena**

- podnošenje zahtjeva, potrebna dokumentacija, kriteriji odabira, iznosi dodijeljenih sredstava iz budžeta JLS za ranjive grupe žena.

Maksimalni broj bodova koje JLS može da ostvari po osnovu ovog kriterija iznosi 10

2. Proces pripreme i objave javnih poziva za OCD koje se bave ženskim pitanjima i pitanjima od značaja za romsku nacionalnu manjinu (definisanje prioriternih oblasti, način objave i dužina trajanja javnih poziva, održavanje konsultacija sa OCD, tj. „otvorenih dana“ u okviru javnih poziva),

- pravni okvir koji se primjenjuje za dodjelu budžetskih sredstava za OCD,
- proces evaluacije projektnih prijedloga OCD (jasni kriteriji za bodovanje projektnih prijedloga, sastav komisije za evaluaciju projekata, način izbora OCD člana u komisiju za evaluaciju, način objave rezultata javnih poziva za OCD),
- utvrđeni način izvještavanja OCD o provedbi projekata (utvrđenu dinamiku finansijskog i programskog izvještavanja),
- procedure koje se primjenjuju za praćenje (monitoring) provedbe projekata OCD, te način na koji se vrši monitoring u praksi.

Maksimalni broj bodova koje JLS može da ostvari po osnovu ovog kriterija iznosi 30.

3. Finansijska izdvajanja za ranjive grupe žena

Podaci koje JLS dostavi treba da pokažu način na koji se vrši planiranje i raspodjela budžetskih sredstava za ranjive grupe žena. Ovo je kriterij koji nosi najviše bodova pa vas molimo da što tačnije prikažete podatke u dvije tabele, drugo pitanje, sekcija tri prijavnog obrasca. U prvoj tabeli-finansiranje ranjivih grupa žena, potrebno je navesti kao referencu broj budžetske stavke za lakšu verifikaciju navedenih podataka. Bodovi će se dodjeljivati tako što će se usporediti ukupni iznos sredstva koji je JLS dodijelila za ranjive grupe žena u periodu od 2020. – 2023. godine, sa iznosima dodijeljenim po različitim osnovama (javni poziv, direktno, na zahtjev i ostalo).² Više bodova će ostvariti JLS koje imaju rastući trend raspodjele sredstava za ranjive grupe žena putem projektnog pristupa.

U prvoj tabeli je potrebno također navesti iznose za 2024. godinu. Ovaj dio neće uticati na bodovanje ali će pokazati sredstva koja JLS ima na raspolaganju za ranjive grupe žena za tekuću godinu.

Maksimalni broj bodova koje JLS može da ostvari po osnovu ovog kriterija iznosi 45.

4. Saradnja JLS sa OCD

Ovim kriterijem se ocjenjuje stepen i način saradnje JLS sa OCD koje se fokusiraju na pitanja žena. JLS treba da navede postojeće modele saradnje sa OCD. Potrebno je odgovoriti na set pitanja koja daju odgovor na stepen postojeće saradnje i prepoznavanja OCD kao partnera koji se fokusiraju na pitanja žena. Ukoliko JLS ima usvojenu lokalnu razvojnu strategiju/plan, u kojoj su pitanja ranjivih grupa žena i lokalni razvojni prioriteti identificirani na participatoran način, potrebno je pojasniti kako su OCD bile uključene u izradu tog dokumenta odnosno definiranje prioriteta za rješavanje pitanja ranjivih grupa žena.

Važno je da JLS prepoznaje aktivne OCD koje provode projekte od značaja za ranjive grupe žena i lokalnu zajednicu kao partnere u definisanju prioriteta lokalnog društveno-ekonomskog razvoja koji se fokusiraju na pitanja žena (žena žrtava obiteljskog nasilja, žena sa invaliditetom, starijih žena i mladih Romkinja), a koji se rješavaju u suradnji s drugim relevantnim institucijama (centri za socijalni rad, zavod za zapošljavanje, lokalni domovi zdravlja, kao i sigurne kuće i drugi pružatelji usluga).

Maksimalni broj bodova koje JLS može da ostvari po osnovu ovog kriterija iznosi 15.

Bodovanje prijave JLS se vrši u skladu sa Matricom za bodovanje (Prilog 2). Matrica omogućuje da podnosioci prijave sami procijene kvalitetu svojih prijave u skladu sa definisanim načinom bodovanja.

²Prilikom dostavljanja podataka za tražene budžetske stavke preporučena kategorizacija je: udruženja građana, sportske organizacije, boračka udruženja, a isključuju se političke organizacije i vjerske zajednice. Od JLS se očekuje da koriste ovu kategorizaciju.

2.3. KRITERIJI ZA USKLAĐIVANJE

1. Učešće JLS u drugim projektima

Prilikom odabira partnerskih JLS, uzeti će se u obzir prethodna iskustva JLS i učešće u drugim projektima finansiranim od strane EU i/ili drugih donatora. Primjena ovog kriterija će poboljšati efekte i rezultate u zajednicama, te maksimizirati projektom predviđene rezultate.

2. Usklađenost strateških oblasti na osnovu kojih JLS objavljuju javne pozive za OCD sa oblastima od posebnog interesa projekta

Oblasti od posebnog interesa projekta su socijalna inkluzija ranjivih grupa žena, jednakopravnost spolova, ljudska prava, kao i prava manjinskih grupa, naročito prava Roma.

3. Geografska rasprostranjenost partnerskih JLS

Kroz ovaj kriterij će se osigurati uticaj projekta na široj teritoriji BiH, geografska i proporcionalna zastupljenost JLS i građana iz oba entiteta i Brčko distrikta.

3. NAČIN PRIJAVE I POSTUPAK EVALUACIJE

3.1. Način prijave

Sve JLS koje ispunjavaju eliminatorne kriterije Javnog poziva, interes za učešće u projektu trebaju izraziti dostavljanjem **Prijavnog obrazaca (Prilog 1)** i **Pisma namjere (Prilog 3)**, te odgovarajuće prateće dokumentacije kako je pojašnjeno u dijelu 6. ovih Smjernica.

Prilikom bodovanja vodiće se računa o usklađenosti odgovora navedenih u Prijavnom obrascu sa dostavljenom pratećom dokumentacijom.

Podnosioci prijave treba da se pridržavaju formata Prijavnog obrasca i u skladu s tim dostave tražene informacije.

Dakle, prijavni dokumenti JLS se sastoje od:

- Ispunjenog Prijavnog obrasca (**Prilog 1 ovih Smjernica**), sa dokazima koji potkrepljuju prijavu, u skladu sa listom navedenom u dijelu 6. ovih Smjernica;
- Pisma namjere, koje uključuje sve neophodne elemente, kao što je navedeno u Prilogu 3 ovih Smjernica.

3.2. Postupak evaluacije

Postupak evaluacije JLS prijave za učešće u Javnom pozivu će provesti Partnerski odbor projekta u dvije faze:

1. Faza bodovanja JLS aplikacija

Evaluaciju i bodovanje zaprimljenih prijava će raditi komisija sačinjena od članova Projektnog odbora. U ovoj fazi će biti izvršena evaluacija dostavljenih prijava na osnovu koje će biti sužen izbor potencijalnih partnerskih JLS koje će biti konačno rangirane. U slučaju da se ukaže potreba, vršit će se i dodatne provjere navoda u prijavnim obrascima. Komisija će potom uraditi finalno bodovanje prijave, te svoje preporuke prosljediti Upravnom odboru projekta i Delegaciji Evropske unije u BiH na odobrenje.

2. Faza potvrde konačne rang liste

Tokom druge faze evaluacije, Partnerski odbor će utvrditi konačnu rang listu JLS i donijeti konačnu odluku. Partnerski odbor čine predstavnici udruženja „Žene sa Une“ i Arbeiter Samariter Bund Deutschland e.V., te Ministarstva za ljudska prava i izbjeglice BiH/Agencije za ravnopravnost spolova BiH, kao i predstavnici Delegacije EU u BiH u svojstvu posmatrača.

4. ADRESA ZA PRIJAVU I UPITI

Pozivaju se sve zainteresovane JLS u BiH koje zadovoljavaju eliminatorne kriterije da učestvuju u otvorenom i konkurentskom procesu odabira minimalno 10 partnerskih JLS za učešće u projektu „Pružanje podrške ranjivim ženama i razvoj integriranog programa socijalne zaštite“.

JLS koje se prijavljuju na poziv, dužne su dostaviti tražene dokumente za prijavu kako je naglašeno u Smjernicama.

Svoje prijave JLS trebaju dostaviti u **jednom štampanom primjerku i u elektronskoj formi** (CD ili USB) putem preporučene pošte ili lično na sljedeću adresu:

Udruženje „Žene sa Une“

Za: Projekat „Pružanje podrške ranjivim ženama i razvoj integriranog programa socijalne zaštite“

Krupska 26

77 000 Bihać

Bosna i Hercegovina

Prijave za učešće, u skladu sa ovim Pozivom i pripadajućim Smjernicama trebaju biti dostavljene najkasnije do **07.12.2024. godine do 17.00 sati**. Prijave koje stižu poštom, trebaju imati poštanski žig koji potvrđuje da je prijava poslana u okviru navedenog roka.

Prijave podnesene na druge načine (npr. faks ili e-maila) **neće biti uzete u razmatranje**.

Dotadne informacije, elektronska verzija Smjernica i prijavnih dokumenata su dostupni na sljedećim web adresama: www.zenesaune.org, www.asb-see.org, www.arsbih.gov.ba

Za dodatne informacije i objašnjenja, upit je potrebno poslati na adresu administracija@zenesaune.org sa naznakom CN2024/455-410 u naslovu. Odgovori će biti dostavljeni u pisanoj formi najkasnije u roku od 3 radna dana nakon prijema upita.

5. OBAVIJEST O ODLUCI I ODABIRU PARTNERSKIH JLS I PLANIRANI VREMENSKI OKVIR

Konačna lista odabranih partnerskih JLS će biti zvanično objavljena na web stanicama www.zenesaune.org, www.asb-see.org, www.arsbih.gov.ba u roku od 4 sedmice po isteku poziva.

6. LISTA PRATEĆE DOKUMENTACIJE

Molimo vas da prateću dokumentaciju uz Prijavni obrazac adekvatno označite kako bi se tačnije i lakše izvršilo bodovanje. Prilog je potrebno označiti brojem sekcije i pitanja iz prijavnog obrasca, na koji se prilog odnosi. Ukoliko neki priloženi dokument predstavlja potvrdu za više pitanja nije ga potrebno prilagati više puta, ali je neophodno na samom dokumentu navesti reference za sva pitanja na koja se isti odnosi.

a. Prateća dokumentacija za eliminatorne kriterije

- Plan/strategija razvoja zajednice sa definisanim prioritetima lokalnog društveno-ekonomskog razvoja koji se fokusiraju na pitanja žena (*prijavni obrazac dio 2, pitanje A.1.*);
- Pismo namjere.

b. Prateća dokumentacija za kriterije za bodovanje:

- Odluka /Pravilnik o dodjeli sredstava iz budžeta JLS za ranjive grupe žena
- Odluka/Pravilnik za finansiranje OCD projekata koji se bave ženskim pitanjima i pitanjima od značaja za romsku nacionalnu manjinu (*prijavni obrazac dio 3, pitanje 2.*);
- kopija dokumenata o uspostavljanju komisije za evaluaciju projekata (*prijavni obrazac dio 3, pitanje 2.2.*);
- kopija odluke o imenovanju i načinu izbora predstavnika civilnog društva u komisiju za evaluaciju projekata (*prijavni obrazac dio 3, pitanje 2.2.a.*);
- zapisnici komisija za evaluaciju projekata za sve provedene javne pozive (*prijavni obrazac dio 3, pitanje 2.1.*);
- kopija dokumenta o uspostavljanju tima za monitoring na nivou JLS (*prijavni obrazac dio 3, pitanje 2.3.*);
- kopija formulara koji se koriste prilikom monitoringa (monitoring izvještaji i slično) (*prijavni obrazac dio 3, pitanje 2.4.a.*);
- kopija ugovora o finansiranju projekata koji JLS zaključuje sa OCD;
- kopija obrasca za izvještavanje o provedbi projekta (*prijavni obrazac dio 3, pitanje 2.6.*);
- kopija JLS budžeta za godine: 2020, 2021, 2022, 2023 i 2024 (*prijavni obrazac dio 3, pitanje 3.1.*);
- kopija tekstova javnih poziva provedenih po principima metodologije za transparentno finansiranje OCD projekata (*prijavni obrazac dio 3, pitanje 3.1.*);
- lista odobrenih OCD projektnih prijedloga sa odobrenim iznosima za finansiranje i dužinom trajanja projekata (*prijavni obrazac dio 3, pitanje 3.1.*);
- evidencija OCD u JLS³ (*prijavni obrazac dio 3, pitanje 4.1.*);
- kopija Strategije razvoja u **elektronskom obliku** (*prijavni obrazac dio 3, pitanje 4.5.*);
- kopija postojećih planskih dokumenta u oblasti socijalne inkluzije i socijalne zaštite ranjivih grupa građana razvijenih uz učešće OCD (*prijavni obrazac dio 3, pitanje 4.6.*);

NAPOMENE:

Osим dokumentacije koja je navedena u Sekciji 6, budite slobodni priložiti i ostale dokumente za koje smatrate da mogu ići u prilog vašoj prijavi.

³Pod pojmom evidencija aktivnih OCD smatra se svaka zvanična evidencija (u Wordu ili Excelu ili drugom obliku) OCD sa kontakt podacima i eventualno osnovnim poljem djelovanja